

Innkalling

Utval: Stranda kontrollutval
Møtestad: Stranda rådhus, Formannskapssalen
Dato: 13.05.2025
Tidspunkt: 15:00

Den som har lovleg forfall eller vil ha vurdert habilitet til ei eller fleire av sakene, må melde frå snarast mogleg til sekretariatet på e-post: post@sksiks.no eller på telefon 926 11735

Varamedlem møter etter nærare beskjed frå sekretariatet.

Sakliste

PS 12/25 Godkjenning av innkalling og sakliste, protokoll frå forrige møte
PS 13/25 Uttale om konsolidert årsrekneskap og årsmelding 2024 Stranda kommune.
PS 14/25 Meldingar og skriv
MS 04/25 Oppdatering frå revisor på forvaltningsrevisjon – personalforvaltning.
MS 05/25 Høyring om tilrådingar for sekretariata sitt arbeid ved planlegging av besøk i verksemder

Ålesund, 06.05.2025

Helge Kvame
Leiar kontrollutval

Bjørn Tømmerdal
Dagleg leiar SKS IKS

Saksframlegg

Saksnr. Utval
PS 12/25 Stranda kontrollutval

Møtedato
13.05.2025

Godkjenning av innkalling og sakliste, protokoll frå forrige møte

Sekretariatet si innstilling:

Kontrollutvalet godkjenner innkalling og sakliste. Samt møteprotokoll frå forrige møte slik den ligg føre.

Vedlegg

Møteprotokoll - Stranda kontrollutval - 01.04.2025

Saksframlegg

Saksnr. Utval
PS 13/25 Stranda kontrollutval

Møtedato
13.05.2025

Uttale om konsolidert årsrekneskap og årsmelding 2024 Stranda kommune.

Stranda kontrollutval

Sekretariatet si innstilling:

Etter ei samla vurdering av det kontrollutvalet har fått lagt fram og i dialog med revisor, uttaler kontrollutvalet at Stranda kommunestyre kan godkjenne konsolidert årsrekneskap og årsmelding 2024 for Stranda kommune.

Bakgrunnsinformasjon:

Kontrollutvalet har det overordna ansvaret med å sjå til at det blir ført kontroll med at økonomiforvaltninga til kommunen gjeng føre i samsvar med gjeldande avgjerder og vedtak, jf. kommunelova § 23-2. Ansvaret til kontrollutvalet for å føra kontroll med økonomiforvaltninga blir framheva i kommunelova som eit særskilt ansvar ved sida av ansvaret for rekneskapsrevisjon, forvaltningsrevisjon og eigarskapkontroll.

Kommunelova stiller ei rekke nye og grunnleggande krav til økonomiforvaltning og berekraft i kommunane, jf. kommunelova § 14-1. Dette krev at økonomisk handleevne må varetakast over tid, planar for eiga verksemd og økonomi skal vera realistiske, finansielle middel og gjeld skal forvaltast utan vesentleg finansiell risiko og betalingsforpliktingar skal innfriast ved forfall.

Kommunelova forsterkar altså desse krava og legg ansvaret på kommunestyret til å sjå til at økonomiforvaltninga skjer i tråd med lov, forskrift og egne bestemmingar. Kontrollutvalet sitt ansvar er å uttala seg til kommunestyret om årsrekneskapen og årsmeldinga før formannskapet innstiller til vedtak, jfr. kommunelova si § 14-3.

Vurdering:

Kontrollutvalet skal 13. mai 2025 behandla konsolidert (Stranda Hamnevesen KF + kommunekassa) årsrekneskap og årsmelding for 2024 for Stranda kommune som er lagt fram av kommunedirektøren og dessutan tilhøyrande revisjonsmelding datert 11. april 2025. Stranda kontrollutval handsama Stranda Hamnevesen KF sitt årsrekneskap 2024 på sitt møte 1. april 2025 og sendte uttale om dette til kommunestyre.

Kommunen har i 2024 eit netto driftsresultat i den konsoliderte årsrekneskapen på 17.285.172 kr og i kommunekassa eit netto driftsresultat på 631.956 kr. Revisor har i revisjonsmeldinga ikkje gitt merknadar til årsrekneskapen eller årsmeldinga.

Det er opp til kontrollutvalet sjølv å bestemma kva uttalen frå kontrollutvalet til årsrekneskap og årsmelding skal innehalda. Verken kommunelova eller kontrollutvalsforskrifta stiller konkrete krav til innhaldet, ut over at den skal knyta seg til forhold i årsrekneskapen eller årsmeldinga og tilhøyrande revisjonsmelding. Vi vil likevel sjå nærare på finansielle måltal og budsjettavvik.

Årsrekneskapen

Kontrollutvalet skal kontrollera at årsrekneskapen er ført i samsvar med lover og reglar og at kommunestyret sine målsetjingar er oppfylt.

Kontrollutvalet kan følgeleg føreslå endringar i årsrekneskapen, dersom det er skjedd føringar i strid med gjeldande regelverk. Grunnlaget for behandlinga har vore den avlagde årsrekneskapen, kommunedirektøren si årsmelding og revisjonsmeldinga.

I tillegg har oppdragsansvarleg revisor supplert kontrollutvalet med relevant informasjon. Revisor har bekrefta at bokføringa er i tråd med bokføringsregelverket. Ingen avvik er rapportert eller avdekt gjennom året frå kommunerevisjonen.

Kommunedirektøren si årsmelding

Årsmeldinga skal mellom anna omtala forhold som er viktige for å bedømme den økonomiske utviklinga og stillinga, og om desse varetar den økonomiske handleevna over tid.

Det er nærliggande å vurdere dette som sentrale moment i uttalen frå kontrollutvalet. Årsmeldinga skal innehalda vurdering av :

- kommunen sin måloppnåing og andre ikkje-økonomiske forhold som er av vesentleg tyding for kommunen eller innbyggjarane.
- tiltak som er sett i verk og tiltak som blir planlagt sett i verk for å sikra ein høg etisk standard.
- den faktiske tilstanden når det gjeld kjønnslikestilling.
- kva kommunen gjer for å oppfylle aktivitetsplikta til arbeidsgivar etter likestillings- og diskrimineringslova § 26.

Årsmeldinga gir tilfredsstillande opplysningar i forhold til desse punkta. Revisor melder òg i sin revisjonsmelding at årsrekneskapen inneheld dei opplysningane som lov og forskrift krev. Opplysningane om økonomi i årsmeldinga stemmer overeins med årsrekneskapen.

Finansielle måltal

Hovudformålet med økonomiforvaltninga etter kommunelova § 14-1 er å vareta økonomisk handleevne. Kommunestyret skal sjølv vedta finansielle måltal for utviklinga av kommuneøkonomien, og vil normalt omtale utviklinga av finansielle måltal i årsmelding. Dette finn oss på side 10 og utover i årsmeldinga.

Budsjettavvik

Kontrollutvalet har i arbeidet sitt med førebuing til uttale om årsrekneskap og årsmelding 2024 fått kunnskap om dei nye krava som blir stilte til kommunedirektøren om å gjere greie for moglege budsjettavvik. Dette er òg omtalt i sjølve årsmeldinga på side 6 og i revisjonen sin melding på side 3. Her gjer revisjonen greie for det ansvaret som ligg i å forklara både beløpsmessige avvik og premissane for dette.

Samandrag:

Med grunnlag i kontrollutvalet sine aktivitetar retta mot økonomiforvaltninga og etter ei samla vurdering, tilrår kontrollutvalet at konsolidert årsrekneskap og årsmeldinga for 2024 blir godkjent slik den ligg føre.

Dette bygger på ulike orienteringar og saker frå kommunerevisjonen i løpet av året.

Kontrollutvalet har fått presentert revisjonsplan, forenkla etterlevingskontroll og interimrevisjon. Slik sett har kontrollutvalet eit godt fagleg grunnlag for å gje sin uttale. Revisjonsmeldinga er ei normalmelding gitt utan atterhald. Dette betyr at revisjonen ikkje har avdekt eller påvist vesentlege feil og manglar i kommunen sin rapportering. Det er om avlagt årsrekneskap og årsmelding er riktig frå administrasjonen til revisjonselskapet, uttalen handlar om.

Kontrollutvalet er ikkje kjent med andre forhold i dialog med revisor som kunne hatt konsekvens for uttalen frå kontrollutvalet, jfr kommunelova § 14-3

Vedlegg

Årsrekneskap 2024 - Stranda kommune

Årsmelding 2024 - Stranda kommune

Revisor sin rapport etter årsoppgjeret 2024

Revisjonsmelding 2024 - Stranda kommune

Saksframlegg

Saksnr. Utval
PS 14/25 Stranda kontrollutval

Møtedato
13.05.2025

Meldingar og skriv

Underliggende saker

04/25 Oppdatering frå revisor på forvaltningsrevisjon – personalforvaltning.
05/25 Høyring om tilrådingar for sekretariata sitt arbeid ved planlegging av besøk i verksemdar

Saksframlegg

Saksnr. Utval
MS 04/25 Stranda kontrollutval

Møtedato
13.05.2025

Oppdatering frå revisor på forvaltningsrevisjon – personalforvaltning. Stranda kontrollutval

Sekretariatet si innstilling:

Kontrollutvalet tek meldinga til vitande.

Bakgrunnsinformasjon:

Det er viktig at kontrollutvalet halder seg løpande orientert om arbeidet med forvaltningsrevisjonar på vegne av kommunestyre. Vedlagt finn dykk ei slik oppdatering frå oppdragsansvarleg revisor Terje Gundersen-Røvik på forvaltningsrevisjonen - personalforvaltning.

Vedlegg

Undervegsrapportering forvaltningsrevisjon 2025 personalforvaltning

Saksframlegg

Saksnr. Utval
MS 05/25 Stranda kontrollutval

Møtedato
13.05.2025

Høyring om tilrådingar for sekretariata sitt arbeid ved planlegging av besøk i verksemder Stranda kontrollutval

Sekretariatet si innstilling:

Kontrollutvalet tek meldinga til vitande.

Bakgrunnsinformasjon:

Forum for kontroll og tilsyn i lag med NKRF - kontroll og revisjon i kommunene har i samarbeid utarbeidd anbefalingar om god skikk og praksis i kontrollutvalsekretariata. Desse anbefalingane har tatt føre seg ulike tema, og er meint for å gje relevant veiledning til kontrollutvalsekretariata om det aktuelle temaet som anbefalinga er knytt til. Denne gongen handlar anbefalingane om korleis sekretariatet kan organisere det, om kontrollutvalet ynskjer å nytte verksemdsbesøk som ei av dei kontrollhandlingane kontrollutvalet gjennomfører.

Før anbefalingane vert vedtekne av styra i FKT og NKRF, så vert det sendt ut på høyring til alle medlemmane.

For FKT sin del så består medlemsmassen av kontrollutvalsekretariata (selskapet) og kontrollutvala (kommunen). Når det gjeld NKRF så er medlemsmassen bedriftsmedlemmer (revisjonsselskap og sekretariatsselskap) og enkeltmedlemmer (tilsette som sjølv ynskjer å vere medlem).

Om Stranda kontrollutval ynskjer at sekretariatet skal sende inn høyringssvar på vegne av kontrollutvalet, så må utvalet gjere vedtak om det i møtet. Høyringsfristen er sett til 15. juni 2025.

Alternativt kan ein slutte seg til ein felles uttale frå alle sju kontrollutvala i Sunnmøre kontrollutvalsekretariat IKS.

Vedlegg

Høyring frist 15.06.2025 – verksemdbesøk